

Ukusendwa

“...Ico Shikulu umwine akeka mu mulu no kubilikisha kukalamba, kwi shiwi lya mfumu malaika, kibili ku ntandala ya kwa Lesa: na bafwila muli Kristu bakabalilapo ukubuka: Elyo ifwe fwe ba mweo fwe bashalapo tukolwila nabo capamo mu makumbi, ku kumanya Shikulu mulwelele: kibili efyo tukaba pe na Shikulu...” (1 Abena Tesalonika 4:13-18).

Ku lukuta, Nabwinga, ukusendwa busokololo kuli wene. Kwasokolwelwa kuli wene, ukutila ubusokololo, Nabwinga uwa cine wakwa Kristu akalalolela pali bulya ubusokololo bwa kusendwa. Nomba, bwena busokololo, pantu ubusokololo citetekelo (*Abahebere 11:1*). Imwe teti mukwate ubusokololo ukwabula bwena ukuba icitetekelo. Icitetekelo busokololo, pantu cena cintu cimo ico icisokololwelwe kuli imwe. **Icitetekelo caba busokololo.** Icitetekelo caba icintu cimo ico icisokololwelwe kuli imwe nga filya cali kuli Abrahamu, uyo uwingeta icili conse icapusana kuli cilya icasokololwelwe kuli wene no kwita ifishabako kwati fyabako (*Abena Roma 4:13-21*). Filya efyo icitetekelo caba, caba ubusokololo bwa kwa Lesa. Ulukuta lwa kulwa pa busokololo, umubili fye onse (*Mateo 16:13-19; Abena Galatia 1:11-12*). [1]

Ukufyalwa libili ni Kristu, caba ubusokololo. Lesa nasokolola kuli imwe iyi nkama iikalamba, kibili cilya e kufyalwa cipy a cipy. Nomba, ni cinshi muli no kucita ilyo mwasaenda ilye bumba capamo, uko ubusokololo bwaba mucumfwano umupwilapo, kibili Lesa ukulangisha cena ukupitila mu Cebo cakwe ku micitile imo ine, ifintu fimo fine ifyo Ena acitile,

ukulenga Icebo ukulangishiwa? **Owe, ngo Lukuta Iwaliishibe fye icifulo ca luko!** Lukacita ubushiku bumo. Lyena, ukusendwa kukabako ilyo Iwaishiba ifyo cena cili. [2]

Inshita ili mupepi. Mwikalolela nakabili. Mwamona, **musangonshi mwishibe ukutila ukusendwa kulecitika inshita fye yonse?** Icintu cakubalilapo namwishiba kukapita, umo ukuluba kuno, na kulya. Ku kacitika icintu cakubalilapo namwishiba, kabili ubupingushi bukapola isonde.

Mwatila, “Cisuma, natontonkenye ici...” “Kucelwa nganshi nomba.” Muleibukisha, tabacishibe mpaka ubushiku baingile mu cibwato, kabili lyena inshita yalipwile (*Mateo 24:37-42*). Na cisungu uwa pelwa amano taishibe mpaka aishile bwela asangile nacisungu uwa mano naya. Lyena alishele ku nshita ya bucushi (*Mateo 25:1-13*). [3]

Cisuma, ulya e musango ifintu fyakwa Lesa fyaba. Panuma ilyo mwasubila Wene, kabili no kumona Wene ukucita ifintu ifingi nganshi mpaka fisa mukuba fye kwati fye cintu ca seka. **Kabili ilya e mibele ndetontonkanya Ulukuta lukabelamo lintu fye Shikulu talaisa.** E ico **Ukusendwa kukalacitika fye ulya musango. Cikaba fye imibombele iyaseka iya kukonka Amalembo na mapange yakwa Lesa.** [4]

Ifwe tulefwaya ukupokelela ukusenamina ukwa kusendwa. Ifwe tulefwaya ukuba abalinga ilyo filye fibulumo ifyakupapusha fikabuluma kulya lubali, kabili Ulukuta lukasendwa mu mulu, tulefwaya ukuba abaiteyanya ukupokelela kwena, Shikulu. Peleni ici. Twesheni, Shikulu, ku Cebo cenu. Lekeni ifwe tulolekeshe muli Cena, kabili nga twamona ukutila natufigwa... [5]

Kabili imwe mulalanda pa Lukuta pa kusenamina kwa kusendwa, cikesa fikilishiwa ilyo twingonaula intambi shesu, ukulabako fyonse ifintu fyesu fya filonganino, kabili no ku bwelela fye pa mulingo wa Cebo cakwa Lesa. [6]

Ifikakatikilo Cinelubali ifya kusokolola... (*Ukusokolola 10:1-4*). Lekeni Ena alangishe Nabwinga ifyakuipekanya ku citetekelo icikalamba ica kwilulwa.

Nomba, lekeni tusange ifilangililo. Twalisangile ifyo icibulumo cipilibula. Cilya cintu capwililika; twaliishiba cilya. Mwamona? **Ukubulukuta kwali Lishiwi lya kwa Lesa ilyo Icikakatikilo caiswilwe.** [7]

Bushe yena ni nshita? Bushe inkama shonse nashipwishiwa? Bushe ukubilisha nakupwa? Bushe cilya mucine ni filya fibulumo cine lubali filimupepi ukulanda icintu cimo ico ibumba ilinono **ilyo Ena alonganya capamo lili no kupokelela icitetekelo ica kusendwa ukuya mu kusendwa ilyo Ena akesa**; pantu ifwe tukapilibulwa bwangu bwangu ilyo balya ba Malaika baleisa: mu kashita akanini nini, mu kukapakapa kwe linso, kabili tukolwilwa nabo capamo abo abalala kuku kumanya shikulu mulwelele (*1 Abena Korinti 15:51-54*).

Ipepo lyandi nili: mwe Lesa nga ici cili ifi, nshishibe Shikulu; nacilalaeba fye ulukuta. Nga cakutila cili fyo, Shikulu, **pekanyeni imitima yesu. Tulengeni tube abaiteyanya, Shikulu, kuli llyia ora ikalamba ilyo ilyashi lyonse lyakele iya nshita, bonse bakasesema naba mushilo balelolela ilya nshita.** [8]

Kabili pa mpela ya nshita ya Pentecostal tulingile ukupokelela, ukulingana ne Cebo, nge fyo Lesa angafwilishe ukumilangisha monse umu, ukutila tuli no kupokelela inkombe iyo ili no kusenda fyonse filya ifi

shalangishiwa kunse kulya **kabili** no kusokolola
inkama yonse iya kwa Lesa pa kusendwa kwa Lukuta
(Malaki 4:5-6; *Ukusokolola* 10: 7).

Kabili lyena kuli no kwisa ifibulumo **cinelubali** ifya
kupapusha ifyo ifishalembwa nakalya. Cilya cinshinka.
Kabili **nalicetekela ukutila ukupitila muli shilye nkama**
cinelubali shikasokololwa mu nshiku shakulekelesha
pakutila shingaleta capamo Nabwinga ku citetekelo
ca kusendwa; pa mulandu ico tukwete nomba line,
tekuti tube abalinga ukucicita. **Kuliko icintu cimo ico**
tulingile twaya pantanshi; ifwe teti tukwate
icitetekelo icalinga ku kundapwa kwa Bulesa na kalya.
Ifwe tulingile twakwata icitetekelo icalinga
ukupililibulwa mu kashita no kufumishiwa muli ili
sonde. [7]

Kabili Taata, ifintu ifingi nganshi kuti fyalandwa
pano pene; nalimo ulukuta tekuti lwiluke. Lelo
ndepepa ukutila imwe muli no kubapela ukukabila
nganshi pali cena, Shikulu, ukutila bali nokwisa no
kumona ukutila tuli ku nshita ya mpela, inshita ya
astronaut.

Ndepepa, Tata, ukutila bali no kwishiba cena tacili
ukwesha ukwebaula ico bakwete; **cena cili fye**
ukwesha ukubapela ukusenamina ukwingi ukwa
kusendwa. Pantu ora ikesa ilyo ifwe tukesa kwata
amaka ya kusendwa, te kundapa fye umubili lelo
ukupilibula Wene mukashita akanini nini mu kupapa
kwe linso. Kristu ali no kuba umutuntulu nganshi mu
mibili yabo, mpaka Ena kuti aupilibula ku mfwa
Yakwe ikalamba neco Ena ashitile. Lekeni basende ici
ilelo, cilye Cishibilo ico nalandilepo (ubumi bwakwa
Yesu Kristu), ukwikatilila Cena ku ntanshi yabo no
kwingga muli uyu Astronaut (peleni cena, Tata), uko
ifimonwa, amaka, kabili ne fyalo kulya, ifyaishibikwa,

kabili, Mwe Lesa, uko shonse ishikalamba inkama shakwa Lesa shilefimbulwa muli filye **Fikatikilo Cinelubali no kwishibikwa ku bantu.** Peleni ici, Tata. [9]

Kabili ndelolela inshita ya kupongololwa kwa Mupashi wa kwa Lesa muli ishi nshiku shakulekelesha isho ifwe nomba tuleikalamo, **ukupongoloka na kumbi kwa Mupashi wa Mushilo mu Lukuta icitetekelo icaku sendwa, ilyo takulaisa.** Kabili ifintu fyonse nafitantikwa bwino pa mulandu wa cilya. Kabili ndecetekela ukutila ifwe nomba pa nshita ilyo Icebo cilingile ukuba ica ntanshi. Ndecetekela ukutila ni nshita ya kubika ku mbali ifisumino fyesu na matontonkanyo yesu no kubwelela ku cebo...[10]

Ena asontele ifi fintu ukuba, kabili ena alingile ukutuma ici. **Icintu cakubalilapo icaishile ilyo Ena aletendeka ukwika ukufuma ku mulu, kuliko ukubilikisha** (*1 Abena Tesalonika 4:13:18*). Cena ni cinshi? **Yena ni Mbila ukuleta abantu capamo.** Imbila ileisa intashi, **Umukate uwa Mweo ukuleta Nabwinga** (*Yohane 6:51*). **Nomba,** “*inshita yakuwamye nyali. Imeni no kuwamya inyali shenu.*” (*Mateo 25:1-13*). Bwali bulindensi bulya? Ubwa cinelubali, tebwalenga mutanda, ubwalenga cinelubali. “Moneni Shibwinga aisa. Imeni no kuteyanya inyali shenu.” Kabili balicitile. Bamo muli bena basangile ukutila tabakwete amafuta ayali yonse mu nyali shabo. Mwamona? Lelo ni nshita ya kuwamya inyali. Ni nshita ya Malaki 4 ilyo mwaisa...Ni Luka 17. Yonse yalya amabusesemo ayo ayenga-mukupwililika mukubika mubantiko bwa bumo bushiku mu Malembo, ifwe tulemona cena ukwikala palya pene.

Icintu cakubalilapo kubilikisha, kabili lyena ishiwi, kabili elyo intandala. Ukubilikisha, inkombe ukusenda abantu ukuiteyanya...icacibili lishiwi lya kubuka.

Ishiwi limo line ilyo, ishiwi likalamba muli Yohane Washila 11:38-44 ilya lya itile Lasaro ukufuma mu nshishi. Ukuleta Nabwinga capamo, kibili elyo ukubuka kwa bafwa, ukwilulwa na cena. Nomba, moneni ifintu fitatu ukucitika.

Icilekonkapo ni cinshi? Cali ni ntandala. Ukubilikisha, ishiwi, intandala. Nomba, **icintu ca citatu ni ntandala, ico lyonse ukulila kwa Ntandala yaba ukwita abantu ku malila;** kibili ulya ukaba umulalilo wakwa Nabwinga, **umulalilo wa Mwana wa mpaanga pamo na Nabwinga mulwelele** (*Mateo 26:26-30*).

Nakibili; mwamona, ifintu fyakubalilapo kuleisa Imbila Yakwe ukwita Nabwinga capamo. **Icintu icilekonkapo cili kubuka kwakwa Nabwinga, uwalala, ulya uwafwile kunuma mu nkulo shimbi** (*1 Abena Korinti 15:51-58*). Bena bakesa capamo, kibili intandala, amalila mu myulu-mulwelele. Cinshi, cilya e cintu icilecitika, mwe fibusa.

Ifwe tuli palya pene abaiteyanya nomba. **Icintu fye ceka, ulukuta ukufuma lulingile ukwikala mu kasuba ku kupishiwa.** Icakusepelako icikalamba cili no kwisa panuma ya kashita. Ingano shikocewa, imipeti, lelo inseke shikalonganikwa mu butala Bwakwe (*Mateo 13:24-30, 36-43*). [1]

Owe, kibili ndeibukisha ilyo Ena aikile kulya lubali muli lulyo Lubuuto ulukalamba, ukwiminina kulya mukati ka mumana, 1933, mu June, **ilyo Ena asosele, “Nge fyo Yohane kabatisha atuminwe no kutangilila ukwisa kwa ntanshi kwa kwa Kristu, ndekutuma ne Mbila kwi sonde ku kutangilila ukwisa kwa cibili ukwa kwa Kristu.”** Kibili ukushinguluka isonde yaliya, ilyo umulilo wa kupuputulwa walikoshiwa pa myaka ikumi limo na fisano mupepi pa lupili ululi lonse...Ukundapwa kwa Bulesa mu nko shonse, kibili na maka, no

kubweseshapo... kibili nomba, **ndecetekela** ali uwaiteyanya ukwikasha yalya amaka yakulekelesha kulya ukuleta icitetekelo ico ici kasenda ulukuta mu **bukata** (cena cinshinka.), **kibili wene naikala mu Mbila.** Ifwe tuli mucine pa nshita ya mpela. Ifwe twalilanda pali cena ne fintu fyonse, lelo icintu nacisa pali ifwe nomba. Umfweni shena! [11]

Mucine nalicetekela, ilyo ulukuta talulakwata ukusendwa, lulingile lwakwata icitetekelo icakusendwa. Ifwe teti tukwate nangula icitetekelo ca kundapwa kwa Bulesa, cipulemo **icitetekelo ca kusendwa.** Tulingile twakwata icitetekelo ico icili no kupilibula no kulete ku mweo uyu mubili, kibili no kusendwa. Ndecetekela kuliko ulukuta luli munshila muno bushiku, **amaka yakwa Lesa uwa mweo, ukutila abantu bakalanda Icebo kuno na kulya, kibili cikabyasha nge nkuba.** Kibili ulukuta luleisa, te bakwishiba amatontonkanyo, te aba bambo abamimonekele, ukuitunga ukucetekela; **lelo ulwa cine, ulwa cinshinka, ulwa cinecine, ulwa subwa na Mupashi wa Mushilo, ulukuta ulwaitwa.** [12]

Ifintu fyonse ifyo tukabila pa bulendo bwa pa nonse: ukundapwa kwa Bulesa, Amaka yakwa Lesa, kibili ne fi fintu fyonse fimbi **fyaba muli cila muntu muno abo abapokelela ulubatisho Iwa Mupashi wa Mushilo,** pantu mwalilimbwa muli Kristu. Aleluya. **Ulubatisho Iwa Mupashi wa Mushilo (Abena Efese 4:4-6), eeh, mukwai, kibili ifintu fyonse ifyo mukabila pa bulendo ubu ubwa bumi bwa panonse, nangula ukusendwa kuli fye muli imwe lyena.** Mwikana cilya? Cilya cinshinka. **Ukusendwa kuli muli ifwe nomba.** Ndi no kushininkisha cena ku Mbila nsuma. “Balya abo Aitile ali Balungamike, na abo Alungamike, Ena na bacindamika.” Alleluya. **Lyena mu mulu ilelo ifwe**

twalicindamikwa mu Mulola Wakwa Lesa ino ine nshita (Abena Roma 8:30). [13]

Mose alikwete Icebo. Cilya fye ceka eco ena alefwaikwa cali Cebo. Cilya fye ceka eco mulefwaikwa ilelo. Te nkalata ukufuma ku lukuta limo. Imwe tamufwaikwa icilonganino ukumutungilila. **Imwe mulefwaikwa Icebo ukukwata ukusendwa na Cena.** Imwe tamufwaikwa kalata umo. Imwe tamufwaikwa ilyashi limo ilya kale ilye sukulu limo ku kundapwa muno lucelo. **Imwe mulefwaikwa ukusumina Icebo; cilya e cicita cena.** [14]

Lelo Ulukuta Iwa kwa Lesa uwa mweo, ulya Nabwinga alesela fye ukutwalilila cimo cine. Kibili **Wene akaya mu kusendwa ku Cebo** (Cilya cishinka.); **Icebo kibili ne cebo fikesa capamo.** Nga tuli cilundwa cakwa Kristu, icilundwa ca Cena, tulingile ukuba Icebo Cakwe, pantu Ena Cebo (*Abena Efese 5:30-32*). Cilya cishinka. Eeh, mukwai. [15]

Ngefyo twaishiba nomba, nge fyo umwaume acinjipusha inshita inono iyapitapo palwa kwisa kibili no kusendwa. Twalishiba twaliikala ukucila pa nshita. **Inshita ya kusendwa ili mupepi. Kibili tulelolekesha ku citetekelo ica kusendwa icingaleta inkuta capamo no kupela Iwena yamo amaka ayakupapusha ayo ayengapilibula iyi imibili iyo twikalamo.** Tulemona Lesa uyo uwingemya abafwa ukufuma pansi, atemwa kulya mu lubansa, no kumuleta ku mweo nakabili, kibili no kumupela kuli ifwe. Ilyo twingamona Lesa uyo uwingasenda ipwalonda iyo ilelya umuntu ku cinshingwa, kibili no kumwimya ku muntu umuntuntulu, **cilya cilingile capela icitetekelo ica kusendwa ku bantu.** Ukutila iyo lulyo lubuuto Iwa byasha ukufuma mu Iwelele, kibili intandala yalila, Umubili wa kwa Kristu bukalonganikwa

mukwangufyanya capamo, kibili no kupilibulwa mu kashita, kibili no kusendwa mu myulu. [16]

Lelo caba lubembu ulo ululeputulako imwe uku mutualusha kuli ifi fintu ifyo mulingile ukukwata. **Caba lubembu ulo ululetalusha ulukuta kuli ilye mibele ya kusendwa inshita fye yonse.** Lwena lubembu, te cikulwa, te lukuta, lelo ulubembu ulo ululi mu lukuta. [17]

Ni finshi lucita ku mibili yesu iyafwa? Cila pilibula amatontonkanyo yesu, cilapilibula inko shesu. Cilabika ifyakukabila fyesu pa fintu ifya ku mulu (*Abena Kolose 3:1-4*), kibili ukupepa fwaka, ukunwa, amangalo yabi, ifintu ifyo mwalecita fyalifwa. Fili pesamba lyenu, kibili imwe mwaletwa ku mweo, kibili aya maka ayaleta ku mweo **nayaleta umubili wenu mu mibele ya kusendwa kale.** [18]

Bushe tatuli abansansa? Ifwe tatukwete icintu icakusakamanapo, tapali nangu cimo. Ifwe natwikashiwa muli Kristu, ukwikala mu ncende sha mu myulu, **abaikatwa mu kusenamina kwa kusendwa ili line, ukwikala mu Mulola Wakwe mu ncende sha mu myulu muli Kristu Yesu** (*Abena Efese 2:6*). Imfwa iine teti itukumye: ukwikashiwa, takuli nangu cimo icingatucusha, ukuba fye abacingililwa no kulolela ukwisa Kwakwe. Kibili tuletasha pali ici. [19]

Ulya e mulandu wine nacetekela ukutila ilyo ulya Nabwinga aketwa no kusalwa no kubikwa mwi Buku lya Mweo, **kukesa isa iciunda ukufuma ku mulu ico icikaleta ulubatisho Iwa Mupashi wa mushilo nganshi muli ulya Nabwinga ulo ulu kasenda Wene ukufuma pe sonde mu kusenamina kwa kusendwa.** Lesa ali **laya cena.** [20]

Umwakumona:

[1] “Ukusendwa” (65-1204), par. 65,129-130,140-

141,152-155 (pg. 14, 29, 32)

[2] "Kristu E Nkama Yakwa Lesa Ukusokololwa"
(63-0728), pg. 37-38

[3] "Lesa Ukuifisa Umwine Mukuicefya" (63-0412),
par. 302-304

[4] "Bashamu Mu Gilead" (59-1124), par. 6

[5] "Icikakatikilo ca Cibili" (63-0319), Ibuku Iya
Fikakatikilo pg. 225

[6] "Isonde Lilepatukana" (63-1115), par. 193

[7] "Icikakatikilo ca Ntanshi" (63-0318), pg. 128,155

[8] "Bushe Iyi e Nshita Ya Mpela, Mukwai" (62-1230E),
pg. 51

[9] "Ukupendwa Kwa Kulekelesha" (64-0209), par. 95-
96

[10] "Icishibilo" (63-1128E), par. 24

[11] "Ishintililo" (62-1230M), pg.35

[12] "Isreale No Lukuta part 4" (53-0328), par. 79

[13] "Shikulu Tulangisheni Shinwe Tupeme" (53-
0907A), par. 85-86

[14] "Ukushininkisha Icebo Cakwe" (64-0816), par. 106

[15] "Isonde Nakabili Lyakanikana" (63-1127), par. 146

[16] "Cinshi Ulelila? Sosa" (63-0714M), par.49

[17] "Yesabele Uwapenta Pa Menso" (55-1005), par.
44

[18] "Icikakatikilo ce Pasaka" (65-0410), par. 112-113

[19] "Umukosha" (63-0113), par. 12

[20] "Imisango Itatu ya Bacetekekela" (63-1124E), par. 97